

siacuvuru na tanasun

'esi na Namasia sua tanasun mia. miana “Sanmin siang” kisun.
minkuo maruun upitu cenana(87), 'apui'ien masiraru nganain. sua Namaasia
nganai isi ia, Kanakanavu matanganai. sii Kanakanavu nimu'uru'uru
katanasun nesi. miaa campe ia, sua kisaa “Namaasia” 'inmaamia cakuran
nesi. maca'ivi cu macasu taniara. punganganun cu cakuran mataa 'unai,
Namaasia kisun kavangvang.

aranai Kaosiung, noo tiain mukusa Namaasia. tia maica Hanciriu,
Kasanpu mataa Siunaa. nakai, miaa minkuo masiun uaru cenana, karua
vuanu, aru taniara(98.8.8). nivatu sooraru “Muoraku”.
mirungucu curu 'ucanu. niapunaru canumu tanasun Siunaa. 'apitaru cu
to'unaa iisua. aravari cu cau. sua nguani ia 'Auria tamna Ta'urung. cucuru
paruru'un!

cau kaNamaasia masini ia, 'una Kanakanavu, Hla'alua, Sumukun,
Paiwan, Rukai, Atayal, 'Amis, mataa Pakisia, Ngaingai.
kangangaan manasu 'una uturu meetusa vangata cau. tisikara in mastaan
kacaua Sumukun. kanaira Kanakanavu, manasu aracan urima muma cau.
iimua, noo arakukunu cau ia, paira 'urupaca kari Nakasayana nukai

masiSumukun. kanaira cu cau tavana'u masiKanakanavu. kari mia, 'esi
cu 'apitaru tia ara'akia. cucuru pakaka cupungu! mamarang mia paira
maka'uaru kimia, kipatusua kani kiatuturu kari Kanakanavu. masini na
Minsung kuosiau, Mincien kuosiau, Namaasia kuocung. 'una cu
takituturu, 'esi tumatuuturu kimia kari Kanakanavu. cucurua
kacangcangaru kiatuturu!

cecenana 'una urucin kaisisi, ka'anmanun mia matipa. nguai sua
“Mikongu” mataa “Pasikarai”. sua Mikongu ia, kaisisi
matirupangu marivana'u. sua Pasikarai ia, kaisisi cakuran. sii sua cakuran
ia, 'apacuvuru karananana marukurapu canumu. pacakuaru cau tamna
kukunua.

'apaco'e karananana cuku kaNamaasia cau. nakai maatua kavangvang
tamu'iaru. kacaua cau ka'umo'uma 'inia. masini sua umuku cau
maraa 'ituumuru ia, to'umangu, 'ume, namnam, mampiriki suemitau. 'una
kavangvang cau mumuku nivanga, mangasu, ringking, tammi, tuvusu,
siaritungu, natungu mataa taparu. cumacuvuru na tanasun mia, cucuru
macangcangaru. ka'anu makai namanamaru mapinipini cupungu.

112 年全國語文競賽原住民族語朗讀 【卡那卡那富語】國中學生組 編號 2 號

部落生活

那瑪夏以前稱為「三民鄉」。那瑪夏這個名稱是卡那卡那富族所命名的，因為卡那卡那富族是這裡的先住民。所謂那瑪夏指的是這裡的河流，過了一段時間，這裡的整個區域統稱為那瑪夏。

從高雄市前往那瑪夏，會經過旗山、甲仙以及小林村。但「莫拉克」颱風把小林村沖垮，很多人已遷移到別的地方！

住在那瑪夏的人有卡那卡那富族、拉阿魯哇族、布農族、排灣族、魯凱族、泰雅族、阿美族以及閩南人、客家人，大約有三千多人。人口最多的是布農族。卡那卡那富族人口大概五百人左右。大部分使用華語或布農族語交談。會說卡那卡那富族語的很稀少，語言有消失的危機，真是令人憂心！長輩們經常勉勵我們要學習族語。如今在民生國小、民權國小、三民國中已經有老師在教族語。

每年有兩個祭儀是 Mikongu 小米收穫祭及 Pasikarai 河祭。河川溪谷養育很多種水中生物，豐富我們的飲食。

很多人開墾農地，現在有竹子、烏梅、生薑、水蜜桃，也有人種植香蕉、芒果、龍眼、地瓜、甘蔗、木瓜、蔬菜及豆類。那瑪夏生活不像住在平地心情緊繃而緊張。